

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
JU CENTAR ZA SLUŠNU I GOVORNU REHABILITACIJU SARAJEVO
Ulica Asima Ferhatovića br. 2, 71000 Sarajevo

Broj: 01-34-2661/24
Sarajevo, 11.12.2024. godine

Na osnovu člana 108. a u vezi sa članom 109. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“ broj: 27/24) člana 7. Pravilnika o izboru, kriterijima za izbor, nadležnostima i radu direktora srednjih škola („Službene novine Kantona Sarajevo“ broj: 46/18), člana 185. Pravila JU Centar za slušnu i govornu rehabilitaciju Sarajevo, i Odluke Školskog odbora o raspisivanju javnog konkursa broj: 01-34-2645/24 od 06.12.2024. godine, Školski odbor JU Centar za slušnu i govornu rehabilitaciju Sarajevo raspisuje

JAVNI KONKURS ZA IZBOR DIREKTORA
Javne ustanove Centar za slušnu i govornu rehabilitaciju Sarajevo

Javni konkurs za izbor direktora Javne ustanove Centar za slušnu i govornu rehabilitaciju Sarajevo, raspisuje se na mandatni period od četiri godine.

I - NAZIV ŠKOLE SA ADRESOM
JU Centar za slušnu i govornu rehabilitaciju Sarajevo
Asima Ferhatovića 2

II - USLOVI KOJE KANDIDATI TREBA DA ISPUNJAVAJU
Kandidat za direktora dužan je ispunjavati sljedeće uslove:

Opšti uslovi:

- a) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države, entiteta ili kantona) u periodu od tri godine od dana prijavljivanja na javni konkurs,
- b) da se na tog kandidata ne odnosi član IX 1. Ustava Bosne i Hercegovine,
- c) da nije osuđivan za jedno ili više krivičnih djela za koje se odredbama Krivičnog zakona Federacije BiH može izreći kazna zatvora u trajanju od tri mjeseca i više kao i za privredni prestup nespojiv sa obavljanjem dužnosti direktora škole,
- d) da nema privatni finansijski interes u JU Centar za slušnu i govornu rehabilitaciju Sarajevo,
- e) da nema smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji BiH („Službene novine Federacije BiH“ broj: 70/08) Zakonom o ministarskim, vladinim i drugim imenovanjima Federacije BiH (Službene novine Federacije BiH “broj: 12/03, 34/03 i 65/13) i Zakonom o prevenciji i suzbijanju korupcije u Kantonu Sarajevo („Službene novine Kantona Sarajevo“, broj: 35/22, 44/22-Ispravka i 52/22-Ispravka).

Posebni uslovi:

- a) da u pogledu stručne spreme ispunjava uslove za radna mjesta u školi u kojoj konkuriše, a kako slijedi: nastavnik, pedagog, pedagog-psiholog, psiholog, a u Centru i stručni saradnik koji je u neposrednom radu sa učenicima:
- b) da ima najmanje 8 (osam) godina radnog staža a od toga ukupno najmanje 5 (pet) godina radnog staža na poslovima radnih mjesta iz tačke a) ili na rukovodnim poslovima u školi (poslovi direktora ili pomoćnika direktora/voditelja dijela nastavnog procesa),
- c) da ima najmanje visoku stručnu spremu ili najmanje završen prvi ciklus bolonjskog visokoobrazovnog procesa sa 240 ECTS bodova,
- d) da ima najmanje stručno zvanje mentora.

Za direktora ne može biti imenovano:

- a) Lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine, Zakona o ministarskim, vladinim i drugim imenovanjima Federacije Bosne i Hercegovine, kao ni lice koje ima smetnje za imenovanje i obavljanje funkcije u skladu sa Zakonom o prevenciji i suzbijanju korupcije u Kantonu Sarajevo („Službene novine Kantona Sarajevo“, broj: 35/22, 44/22-Ispravka i 52/22-Ispravka).
- b) lice za koje se odgovarajućom medicinskom procedurom utvrdi da je alkoholičar, odnosno ovisnik o narkoticima,
- c) lice za koje se odgovarajućom medicinskom procedurom utvrdi da boluje od zarazne ili duševne bolesti,
- d) lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koje se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više.

III - DOKUMENTACIJA KOJU SU KANDIDATI OBAVEZNI PRILOŽITI

Kandidati su dužni dostaviti sljedeću dokumentaciju (original ili ovjerenu kopiju):

1. Svojeručno potpisanu prijavu na javni konkurs, sa kontakt podacima kandidata (adresa stanovanja, broj telefona i e-mail adresa) i tačno navedenom dokumentacijom koja se prilaže uz prijavu na javni konkurs,
2. Biografiju (CV),
3. Diplomu o stečenoj stručnoj spreml,
4. Uvjerenje o položenom stručnom ispitu,
5. Izvod iz matične knjige rođenih,
6. Uvjerenje o državljanstvu (ne starije od 6 mjeseci),
7. Rješenje o sticanju stručnog zvanja (najmanje zvanje mentor),
8. Dokaz o radnom iskustvu (najmanje osam godina radnog staža i od toga najmanje pet godina radnog staža na poslovima: nastavnik, pedagog, pedagog-psiholog, psiholog, a u Centru i na poslovima stručnog saradnika koji je u neposrednom radu sa učenicima (potvrdu izdaje prethodni poslodavac),
9. Uvjerenje da protiv kandidata koje konkuriše za direktora nije potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više, (ne starije od tri mjeseca) izdaje nadležni sud,
10. Izjava kandidata ovjerena od strane nadležnog organa da nije osuđivan za krivično djelo i za privredni prestup nespojiv sa obavljanjem dužnosti direktora škole,
11. Izjava kandidata ovjerena od strane nadležnog organa da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od 3 godine od dana prijavljivanja na javni konkurs,

12. Izjava kandidata ovjerena od strane nadležnog organa da se na kandidata ne odnosi član IX 1. Ustava Bosne i Hercegovine,
13. Izjava kandidata ovjerena od strane nadležnog organa da nema privatni finansijski interes u školi u JU Centar za slušnu i govornu rehabilitaciju Sarajevo,
14. Izjava kandidata da nema smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji BiH („Službene novine Federacije BiH“ broj: 70/08) i Zakonom o ministarskim, vladinim i drugim imenovanjima Federacije BiH (Službene novine Federacije BiH “broj: 12/03, 34/03 i 65/13) kao ni lice koje ima smetnje za imenovanje i obavljanje funkcije u skladu sa Zakonom o prevenciji i suzbijanju korupcije u Kantonu Sarajevo („Službene novine Kantona Sarajevo“, broj: 35/22, 44/22-Ispravka i 52/22-Ispravka),
15. Pisani razvojni plan i program Javne ustanove Centar za slušnu i govornu rehabilitaciju Sarajevo za mandatni period.

IV - DOSTAVLJANJE PRIJAVE I POTREBNE DOKUMENTACIJE

Prijavu sa dokazima o ispunjavanju uslova javnog konkursa kandidati dostavljaju poštom preporučeno na adresu: Javna ustanova Centar za slušnu i govornu rehabilitaciju Sarajevo, Asima Ferhatovića 2, 71000 Sarajevo, ili na protokol Centra u zatvorenoj koverti sa naznakom: „Prijava na javni konkurs za izbor direktora - NE OTVARAJ (otvara Školski odbor).“ Nepotpune i neblagovremene prijave neće se uzeti u razmatranje.

V - NAČIN I ROK OBAVJEŠTAVANJA KANDIDATA O REZULTATIMA JAVNOG KONKURSA

Školski odbor će pisanim putem obavijestiti sve kandidate koji su se prijavili na konkurs o Odluci o imenovanju direktora, u roku od 8 (osam) dana od dana donošenja odluke.

VI - ROK ZA PODNOŠENJE PRIJAVA

Javni konkurs ostaje otvoren 15 (petnaest) dana od dana objavljivanja u dnevnom listu Dnevni avaz i na službenoj stranici Ministarstva za odgoj i obrazovanje Kantona Sarajevo.

Javni konkurs je objavljen u dnevnom listu Dnevni avaz dana 12.12.2024. godine i na web stranici Ministarstva za odgoj i obrazovanje Kantona Sarajevo, te ostaje otvoren do 27.12.2024. godine.

VII – VRIJEME NA KOJE SE VRŠI IMENOVANJE DIREKTORA CENTRA:

Imenovanje se vrši na mandatni period od 4 (četiri) godine.

VIII - NAPOMENA

Nepotpune i neblagovremene prijave neće se razmatrati.

Izrazi koji se koriste u ovom Konkursu, a imaju rodno značenje, odnose se jednako na muški i na ženski rod.

PREDSJEDNIK ŠKOLSKOG ODBORA

Edin Pita, prof.

Tel/Fax: 033/ 226-977 211-790
e-mail: cersig@bih.net.ba <http://www.cersig.edu.ba>
ID broj: 4200136300001 Poreski br. 01076898